



ԵԿԵՂԵՑԱԿԱՆ ԲԵՍ. ԼՈՒՐԵՐ

Մայիսի 2-ին, շաբաթ.- ԻԱ օր Յինանց:

Այսօր Արարատյան Հայրապետական թեմի առաջնորդական փոխանորդ Գեղ. Տ. Գարեգին արքեպս. Ենքոսիայանը և Մայր Աթոռի միաբան Տ. Խորեն արեղա Հովհաննիսյանը մեկնեցին ԱՄՆ՝ Վեհափառ Հայրապետի նախագահությամբ մասնակցելու Ամերիկայի Հայոց թեմի Ռիմոնդոման 100-ամյակի հանդիսություններին:

Մայիսի 3-ին, կիրակի.- Դ կիրակի: Կարմիր կիրակի:

Այսօր Մայր Տաճարում, Ավագ Ա. Սեդանի վրա, Ս. Պատարագ մատուցեց Տ. Մակար արեղա Հովհաննիսյանը: Հոգեշնորհ Հայր սուրբը հանգամանալից կերպով մեկնաբանեց Կարմիր կիրակիի խորհուրդը և խոսեց մեր կյանքում այն ներգրավելու նշանակության մասին:

Նույն օրը Մայր Աթոռի միաբաններ Տ. Միքայել ծ. վրդ. Աջապահյանը, Տ. Արշակ արեղա Խայատրյանը և Տ. Արշեն արեղա Սանոսյանը Ս. Պատարագի մատուցման և Բանին Կենաց քարոզության նպատակով Ս. Պատարագ մատուցեցին և քարոզեցին համապատասխանաբար Վաղարշապատի Ս. Աստվածածին, Ս. Հոփսիսմե և Երևանի Ս. Ջորավոր եկեղեցիներում:

Մայիսի 5-ին, երեքշաբթի.- ԻԴ օր Յինանց:

Այսօր Ուկրաինայի Հայոց առաջնորդ Գեղ. Տ. Նաթան եպս. Հովհաննիսյանը և Մայր Աթոռի միաբան Տ. Միքայել ծ. վրդ. Աջապահյանը մեկնեցին Դամասկոս՝ մասնակցելու մայիսի 8-ին Անտիոքի Ասորի Ուղափառ Եկեղեցու Իզնատիոս Զաքքա և Անտիոքի Հույն Ուղափառ Եկեղեցու Իզնատիոս Դ Պատրիարքների հրավերով և հովանավորությամբ կազմակերպված Դամասկոսում սկսվելիք Ուղղափառ /Բյուզանդական և Արևելյան/ բոլոր Եկեղեցիների ներկայացուցիչների հանդիպմանը (Տես էջ 157):

Մայիսի 9-ին, շաբաթ.- ԻԸ օր Յինանց:

Այսօր Գևորգյան Մեմարանում Մայր Աթոռի Դիվանատան հովանավորությամբ անցկացվեց Հայագիտական օլիմպիադա, որին մասնակցում էին ՀՀ մարզերից և ԼՂՀ-ից ժամանած դպրոցական շրջանային և մարզային փուլերում հաղթած դպրոցականները:

Մայիսի 10-ին, կիրակի.- Տօն երեւման Ս. Խաչին:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի դիվանապետ Գեոր. Տ. Ներսես արքեպս. Պոզապայանը: Հընթացս Ս. Պատարագի Սրբազան հայրը քարոզեց «Ի յերկնից երևեալ նշանն յաղթութեան. այսօր հեթանոսաց ծագեաց լոյսն ողորմութեան» (շարական, Կանոն Գ օր Խաչի) բնաբանով: Ս. Պատարագին ներկա էին մայիսի 9-ին մեկնարկած Համահայկական հայագիտական օլիմպիադայի մասնակից դպրոցականները, որոնց Սրբազան հոր ձեռամբ Գևորգյան Մեմարանի հանդիսությանց դահլիճում շնորհվեցին վկայականներ քարձր գիտելիքների համար:

Հավարտ Ս. Պատարագի կատարվեց Հոգեհանգստյան կարգ՝ նորոգ հանգուցյալ նշանավոր երգչուհի Լուիզա Պոզապայանի հոգու խաղաղության և փրկության համար:

Մայիսի 17-ին, կիրակի.- Զ կիրակի: ԼԶ օր Յինանց:

Այսօր Մայր տաճարում, Ավագ Ս. Սեդանի վրա, Ս. Պատարագ մատուցեց Տ. Ներսես արքեպս Խաչաթյանը: Հընթացս Ս. Պատարագի Հոգեշնորհ Հայր սուրբը քարոզեց «Ես իսկ եմ յարութիւն և կեանք, ով հաւատայ յիս թեպէտ և մեռանի՝ կեցցէ» (Հովհ. ԺԱ 25) բնաբանով:

Ս. Պատարագից հետո կատարվեց Հոգեհանգստյան կարգ:

Մայիսի 21-ին, հինգշաբթի.- Համբարձումն Տեառն մերոյ Յիսուսի Քրիստոսի: Յիշատակ փոխադրութեան Հայրապետական Աթոռոյն Հայոց Ի Ստոյ Ի Ս: Էջմիածին, յամի Տեառն 1441: Տօն ազգային:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Գևորգյան Մեմարանի տեսուչ Տ. Հայկազուն ծ. վրդ. Նաջարյանը: Հավարտ Ս. Պատարագի Գերապատիվ Հայր սուրբը քարոզեց «Արք զալիլեացիք, զի՞ կայք հայեցեալ ընդ երկինս. այս Յիսուս, որ վերացան ի ձէնք յերկինս, սոյնպէս եկեսցէ զոր օրինակ տեսէք զնա երթեալ յերկինս» (Գործք. Ա 11) բնաբանով:

Այնուհետև կատարվեց Հայրապետական մաղթանք՝ 1441 թ. Մայր Աթոռի՝ Սսից Ս. Էջմիածին փոխադրման տարեդարձի առթիվ:

Մայիսի 23-ին, շաբաթ.- ԽԲ օր Յինանց:

Այսօր Մայր Աթոռ ժամանեցին Ռումինիայի թեմի առաջնորդ Գեոր. Տ. Տիրայր արքեպս. Մարտիկյանը, ԱՄՆ-ի Արևմտյան թեմի առաջնորդ Գեոր. Տ. Վաչե արքեպս. Հովսեփյանը, Կանադայի թեմի առաջնորդ Գեոր. Տ. Հովնան արքեպս. Տերտերյանը, Փարիզի առաջնորդ և Արևմտյան Եվրոպայում Հայրապետական պատվիրակ Գեոր. Տ. Գյուտ արքեպս. Նազգաշյանը և Կիլիկիայի Կաթողիկոսության միաբան, Թեհրանի թեմի առաջնորդ Գեոր. Տ. Արտակ արքեպս. Մանուկյանը՝ մասնակցելու Սարդարապատի հերոսամարտի և Առաջին Հանրապետության հիմնադրման 80-ամյակի հանդիսություններին:

Մայիսի 24-ին, կիրակի.- Երկրորդ Ծաղկազարդ:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Տ.

Ջարեմ արեղա Կաբաղյանը: «Հայր մեր»-ից առաջ Հոգեշնորհ Հայր սուրբը ընթերցեց Վեհափառ Հայրապետի Սրբատառ Կոնդակը՝ գրված Սարդարապատի հերոսամարտի 80-ամյակի առիթով (Կոնդակը տե՛ս էջ 3):

Մայիսի 28-ին, հինգշաբթի. - ԽԸ օր Յինանց:

Այսօր Մայր Աթոռի միաբանությունը մասնակցեց Սարդարապատի հերոսամարտի 80-ամյակի տոնակատարություններին (Տես էջ 13):

Եռյց օրը Հազաստանում տեղակայված Ռուսաստանի Դաշնության սահմանապահ ֆեդերալ ծառայության հմր. 2433 զորամասի հրամանատարության հրավերով Մայր Աթոռ Ս. Էջմիածնից Տ. Կարապետ արեղա Հարությունյանն ու Հարություն սարկավազ Հարությունյանը մասնակցեցին սահմանապահների օրվան և սահմանապահ զորքերի կազմավորման 80-ամյակին նվիրված հանդիսությունը:

Այս զորամասում բազմաթիվ ոռու զինվորների կողքին ծառայում են նաև հայեր:

Տ. Կարապետ արեղա Հարությունյանը, օրհնելով սահմանապահներին, պատգամեց նրանց համերաշխ ու արհաբար պաշտպանել հայրենի սահմանները:

Մայիսի 29-ին, ուրբաթ.- ԽԸ օր Յինանց:

Այսօր Գևորգյան Հոգևոր Ըմբարանում, Մայր Աթոռ Ս. Էջմիածնի դիվանապետ Գեր. Տ. Ներսես արքեպս. Պողոսպալյանի նախագահությամբ, նշվեց Հայաստանի առաջին Հանրապետության հաստատման և Սարդարապատյան հերոսամարտի 80-ամյակը:

«1918 թ., երբ գրավված էր Ալեքսանդրապոլը, երբ Ամենայն Հայոց Գևորգ Ե Կաթողիկոսին թելադրվում էր լքել Մայր Աթոռն ու ավելի ապահով վայրեր մեկնել, Հայոց Կաթողիկոսն իր անհողողող կեցվածքով ու ռազմի կոչով ետանդ ու ոգի հաղորդեց հայ ժողովրդին, դրանով իսկ փրկելով Հայաստան անունը», խոսքերով Սարդարապատի հերոսամարտում Մայր Աթոռ Ս. Էջմիածնի և հոգևորականության անուրանալի դերի մասին փաստեց Գևորգյան Ըմբարանի տեսուչ Տ. Հայկազուն ծ. վրդ. Նաբարյանն իր բացման խոսքում:

Հայ հոգևորականները դարձան ռազմի զինվորներ, ՌԱ. Խաչը ձեռքներին առաջնորդեցին մահապարտների զնդին, ժողովրդի հետ մեկտեղ կերտեցին հայոց պատմական հաղթանակը: Այս մասին բանախոսեց Ըմբարանի դասախոս Ավետիս Հարությունյանը:

Ցերեկույթին ներկա էին գերաշնորհ և հոգեշնորհ հայրեր, 80-ամյակի հանդիսությունների առիթով Հայաստան ժամանած Մեծի Տանն Կիլիկիո Կաթողիկոսության ներկայացուցիչներ, դասախոսներ, հյուրեր:

Ներկաներին Սարդարապատյան հերոսամարտին նվիրված գրական-գեղարվեստական հայտագրով ներկայացան Ըմբարանի ուսանողներն ու երգչախումբը:

«Սա հաղորդություն էր, հաղորդություն մեր անցյալի և հերոսների հոգու հետ», - ասաց Տ. Ներսես արքեպս. Պողոսպալյանը:

Մայիսի 30-ին, շաբաթ.- ԽԹ օր Յինանց:

Այսօր, հավարտ Առավոտյան ժամերգության, Մայր Աթոռի միաբանությունը, հյուր հոգևորականների և Գևորգյան Ըմբարանի սաների հետ, նախագահությամբ Մայր տաճարի լուսարարապետ Գեր. Տ. Հուսիկ արքեպս. Սանթրույանի, կատարեցին Հոգեհանգստյան կարգ երանաշնորհ Գևորգ Ե Սուրենյանց Հայրապետի

շիրմի առջև՝ նրա հոգու խաղաղության և ի լույս խորանց բնակության համար, ինչպես նաև աղոթքի և հիշատակության պահ էր Սարդարապատյան հերոսամարտին մասնակցած ամբողջ հոգևոր դասի հոգիների համար: Հավարտ արարողության Սրբազան հայրը իր հոգելից պատգամը տվեց ներկաներին:

Նույն օրը: Կեսօրից հետո, Մայր Աթոռի միաբաններ Տ. Միքայել ծ. վրդ. Աջապահյանը, Ս. Հոփսիսին վանքի վանահայր Տ. Մովսես վրդ. Մովսիսյանը, Բանակի հոգևոր խորհրդատու Տ. Վրթանես վրդ. Արրահամյանը, Արցախի թեմի առաջնորդ Գեղ. Տ. Պարզև եպս. Մարտիրոսյանի հրավերով մեկնեցին Բերձոր (Հային)՝ մասնակցելու տեղի Ս. Համբարձում եկեղեցու բացման սրբազան արարողությանը (տե՛ս էջ 155):

Մայիսի 31-ին, կիրակի.- Հոգեգալուստ (Պենտեկոստէ):

Այսօր Մայր Տաճարում, Առավոտյան ժամերգությունից հետո, տեղի ունեցավ ուրարի տվչություն: Գևորգյան Ընտարանի վեց ուսանող դպիրներ՝ Սահակ Ղազարյանը, Մկրտիչ Այվազյանը, Վիգեն Ղազարյանը, Հրայր Խաչատրյանը, Արա Նալչաշյանը և Մուշեղ Հովհաննիսյանը, ձեռամբ Մայր Տաճարի լուսարարապետ Գեղ. Տ. Հուսիկ արքեպս. Սանթրոսյանի, ստացան ուրարներ:

Սրբազան հայրը «Պահպանիչ» աղոթքով ուսանողների ուսերին օգեց «գտորբ ուրարսն» և պատվիրեց երբեք չընդվել մեր Մայր Եկեղեցու դավանական սկզբունքներից ու ավանդություններից, մաղթեց ծառայասիրության բարձր ոգի և Հոգեգալստյան հրաշալի տոնի առիթով Ս. Հոգու շնորհների առատ հեղուկ նրանց վրա: Արարողության ավարտին հոգևորականները, ճեմարանականները, ինչպես նաև ներկա հավատացյալները շնորհավորեցին ուրարակիրներին՝ ցանկանալով նրանց հաստատունություն իրենց ուխտի և ծառայության մեջ:



Նույն օրը Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի դիվանապետ Գեղ. Տ. Ներսես արքեպս. Պոզապալյանը: Հընթացս Ս. Պատարագի «Հայր Երկնաւոր», «Որդի Աստուծոյ» և «Հոգի Աստուծոյ» փառաբանական երգերից առաջ, լուրաքանչյուր բաժնին համապատասխան, հատված առ հատված ընթերցվեց Ս. Երրորդությանն ուղղված Հովհ. Ոսկեբերանի փառաբանական աղոթքը: Ապա քարոզեց Սրբազան հայրը:



Հոգեգալստյան ամենազվարճ տոնի առիթով Մայր Աթոռի միաբաններ «Էջմիածին» ամսագրի գլխավոր խմբագիր Տ. Բագրատ արեղա Գալստյանը և Տ. Արշեն արեղա Սանոսյանը Ս. Պատարագ մատուցելու և Բանին Կենաց քարոզության համար մեկնեցին համապատասխանաբար Ջրվեժ գյուղի Ս. Կաթողիկե և Արզավանի գյուղի Ս. Աստվածածին եկեղեցիներ: